

# საქართველო

არასამეწარმეო (არაკომერციული) იურიდიული პირი

## ხონის მუნიციპალიტეტის საზოგადოებრივი ჯანდაცვის ცენტრი

---

5900ქ.ხონი პ.კაკაბაძის ქ.#17

N 47

19 თებერვალი 2021 წელი

ხონის მუნიციპალიტეტის მერს  
ბატონ ლადო ჯურხაძეს  
ა(ა)იპ ხონის მუნიციპალიტეტის  
საზოგადოებრივი ჯანდაცვის  
ცენტრის დირექტორის  
ლელა გოფოძის

2020 წლის ანგარიში

ბატონო ლადო,

თქვენი 2021 წლის 08 თებერვლის N 39/542 წერილის პასუხად წარმოგიდგენთ ხონის მუნიციპალიტეტის საზოგადოებრივი ჯანდაცვის ცენტრის მიერ 2020 წელს, თავისი უფლებამოსილების ფარგლებში, გაწეული მუშაობის ანგარიშს.

ა(ა)იპ ხონის მუნიციპალიტეტის საზოგადოებრივი ჯანდაცვის ცენტრისათვის, ისევე, როგორც მთელი მსოფლიოსათვის, გასული

2020 წელი იყო ძალიან რთული, რაც გამოწვეული იყო „ახალი კორონავირუსით (SARS-CoV-2) გამოწვეული ინფექციის (COVID 19)-ით. მუნიციპალიტეტმა განიცადა ადამიანური დანაკლისი, რაც ძალიან სამწუხაროა, აქვე, თქვენი ნებართვით, კიდევ ერთხელ ვუსამძიმრებ მათ ოჯახებს.

ამ ძალიან რთულ პერიოდში ჯანდაცვის ცენტრი ყოველთვის გრძნობდა ადგილობრივი მუნიციპალური ხელმძღვანელი პირების გვერდზე დგომას, ადამიანურ და მატერიალურ დახმარებას, რისთვისაც მთელი კოლექტივის სახელით გიხდით მადლობას.

მიუხედავად რთული პერიოდისა ჯანდაცვის ცენტრი, როგორც სხვა დანარჩენ წლებში, 2020 წელს ანხორციელებდა კანონით განსაზღვრულ მასზე დაკისრებულ მოვალეობებს. აწარმოებდა როგორც მუნიციპალური ასევე სახელმწიფო პროგრამების განხორციელებას: ინფექციური დაავადებების აღწერას, რეგისტრაციას და ანალიზს, სტატისტიკის წარმოებას. უძღვებოდა ომუნიზაციას, პარაზიტოლოგიურ, ენტომოლოგიურ(პანდემიის გამო იქნა შეჩერებული), ცხოვრების ჯანსაღი წესის, სანიტარულ ღონისძიებებს.

მართვადი ინფექციების კონტროლისა და პრევენციის საკითხებთან დაკავშირებით მდგომარეობა იყო ასეთი: სამსახური მოემსახურა 15 ექიმ ფიზიკურ პირს, 3 სამედიცინო დაწესებულებას და ერთ ინდ. მეწარმეს.

ყოველ თვეში სამსახური უზრუნველყოფდა ამბულატორიებსა და სამედიცინო დაწესებულებებს საჭირო ვაქცინებით „ცივი ჯაჭვის“ პრინციპების სრული დაცვით. ვატარებდით მონიტორინგს, შედეგების მიხედვით ვსახავდით სამოქმედო გეგმებს შემდეგი პერიოდისათვის, რათა მიღწეულიყო მაქსიმალური შედეგი მოსახლეობის იმუნიზაციის საკითხებში.

2020 წელს ჯანდაცვის ცენტრში შემოსულია და სამედიცინო დაწესებულებებზე გაცემულია: ჰეპსა ვაქცინა -373 დოზა, აიცრა-309 ბავშვი რაც შეადგენს ასაცრელი კონტიგენტის 96%. პოლიომიელიტის ვაქცინა-380დოზა, აიცრა-152 ბავშვი-60%. დეფტ ვაქცინა-150 დოზა, აიცრა-84 ბავშვი-58%. დტ ვაქცინა-70დოზა, აიცრა-68 ბავშვი-45%. წწყ ვაქცინა-983 დოზა ,

აიცრა გეგმიურად-283ბავშვი-98% და არაგეგმიურად 563 ადამიანი. როტარიქსის ვაქცინა-202 დოზა, აიცრა-195-ბავშვი-85%. პნევმოკოკური ვაქცინა-460 დოზა, აიცრა-359 ბავშვი-96%. ტდ ვაქცინა-250 დოზა, აიცრა-145 ბავშვი-90%. აპვ ვაქცინა-287, აიცრა-201 ბავშვი-80%.

2020 წელს დაინერგა ახალი კომბინირებული ტეტრაქსიმის ვაქცინა, რომელმაც ჩაანაცვლა დყტ,დტ და პოლიოს ვაქცინები.მივიღეთ --295 დოზა, აიცრა-182 ბავშვი-97%.

ჩატარებული იქნა ტრენინგი ახალი ტეტრაქსიმ ვაქცინის დანერგვასთან დაკავშირებით. ტრენინგები ჩატარდა დაავადებათა კონტროლის ეროვნული და რეგიონალური სამსახურების სპეციალისტებისა და ადგილობრივი საზოგადოებრივი ჯანდაცვის მიერ. დაორგანიზდა შეხვედრები ექიმ ფიზიკურ პირებს და სამედიცინო დაწესებულებების წარმომადგენლებთან.

2020 წლის შემოდგომაზე მუნიციპალიტეტში ჩატარდა გრიპის საწინააღმდეგო პროფილაქტიკური აცრა გარკვეული რისკ-ჯგუფებისათვის. მივიღეთ 1856 დოზა ვაქცინა, აიცრა-დიაბეტიანი-267, სკოლებისა და საბავშვო ბაგა-ბაღის თანამშრომელი-461, სამედიცინო პერსონალი-138, ორსული-3, ბავშვთა სახლის ბინადარი-8, „C“ ჰეპატიტიანი-32, ფსიქიატრიულ საავადმყოფოს პანსიონატში -42 ბენეფიციარი, რისკ ჯგუფების ოჯახის წევრები-187. 65 წლის ზემოთ ქრონიკულად მოავადე პირები--641. ვეტერინარიისა და გარემოს დაცვის მუშაკები-77. სულ აიცრა 1856 ბენეფიციარი.

ანტირაბიული ვაქცინა მივიღეთ-2330 კომპლექტი, დაიხარჯა-1830 კომპ. მოვემსახურეთ 660 ბენეფიციარს.

დედათა და ბავშვთა ანტენეტალური პროგრამის ფარგლებში „ბ“ ჰეპატიტის, შიდსის, სიფილისისა და „ც“ ჰეპატიტის კომბინირებული ტესტები მიეწოდა ინდ. მეწარმე თ. მოსეშვილს. სულ მიღებულია 154 ტესტი და გამოკვლეულია 117 ორსული, აქედან დადებითი პასუხი-1.

ვაქცინების, შპრიცებისა და საუტილიზაციო კონტეინერების, სახარჯი მასალების, სტრადეგიული შრატებისა და ტესტების ლოჯისტიკაზე პასუხს

აგებდა ჯანდაცვის ცენტრი,, ცივი ჯაჭვის” პრინციპების სრული დაცვით. ყველა მონაცემი მუშავდებოდა ელექტრონულ მოდულებში და მათ შესახებ ყოველთვიური საანგარიშო ფორმები წარედგინებოდა, როგორც დაავადებათა კონტროლისა და საზოგადოებრივი ჯანმრთელობის რეგიონალურ სამსახურს, ასევე ეროვნულ ცენტრს.

გასულ წელს დაწესებული რიგი შეზრუდვების გამო არ ფუნქციონირებდნენ საბავშვო ბაღები, რის გამოც არ ჩატარებულა გეგმიური კვლევები ჰელმინთებზე, პარაზიტოლოგიური გამოკვლევები ჩატარდა მხოლოდ მოქალაქეების მომართვიანობის ხარჯზე, სულ გასინჯულია ჰელმინთებზე 162 ადამიანი, დაინვაზირება აღმოაჩნდა 79 პაციენტს, მათ ყველას დაენიშნა შესაბამისი მკურნალობა შემდგომი კონტროლით. გასინჯულებს შორის იყო ასკარიდოზის 64 შემთხვევა, ტრიქოცეფალოზის 1 , ხოლო ენტერობიოზის 37 შემთხვევა. იყო გაცემული ანტიჰელმინტური პროგრამის ფარგლებში 150 აბი მებენდაზოლი 500 მგ.

2020 წლის პერიოდში, ხონის მუნიციპალიტეტის ტერიტორიაზე, მოხდა ინფექციური დაავადებების რეგისტრაცია ინფექციური დაავადებების ეპიდზედამხედველობის პროგრამის ფარგლებში. თითოეულ მათგანზე მოხდა რეაგირება მოქმედი კანონმდებლობის შესაბამისად.

ცოფის რისკის მქონე ცხოველით ექსპოზიცია -- 543 მოქ. სრული კურსი დაენიშნა --227, არასრული კურსი--493.

ლაიმის დაავადების --3 შემთხვევა, ლეპტოსპიროზის --7 , ბრუცელოზის -- 1, ტუბერკულოზის -11 დადასტურებული შემთხვევა, ლეიშმანიოზის - 1შემთხვევა. (მოძიებული მათი კონტაქტები, რომელთა გამოკვლევა მოხდა სახელმწიფო პროგრამით).

ყველა შემთხვევაში ჩატარდა ეპიდ კვლევა კერაში და გატარდა ღონისძიებები ინფექციის შესაჩერებლად.

საანგარიშო პერიოდში, დაფიქსირდა ასევე შეტყობინებას დაქვემდებარებული შემდეგი დაავადებები: სავარაუდო საკვებისმიერი მოშხამვა -36. სავარაუდო ინფექციური წარმოშობის დიარეა -72.

დიზენტერია-1, რომლებიც არ იყვნენ ჯგუფური შემთხვევები და არ უკავშირდებოდნენ საზ. კვების ობიექტებს.

ბავშვთა ინფექციებიდან დაფიქსირდა ჩუტყვავილას -15 შემთხვევა. ადგილი ჰქონდა რეპროდუქციული ასაკის ქალის გარდაცვალებას (1 შემთხვევა) და 0-5 ასაკის 2 ბავშვის გარდაცვალებას.

მწვავე რესპირატორული ინფექციებიდან სულ დაფიქსირდა - 1805 შემთხვევა. ჰოსპიტალიზაცია დასჭირდა --521 ადამიანს.

ვირუსული ჰეპატიტი C სკრინინგი (სახელმწიფო პროგრამის ფარგლებში) ჩატარდა 130 ადამიანს, აქედან დადებითი შედეგი ჰქონდა 20-ს. მწვავე ვირუსული ჰეპატიტი დაუდასტურდა 41 მოქალაქეს, ხოლო ქრონიკული B ჰეპატიტი-5-ს.

„C“ ჰეპატიტის, აივ ინფექცია შიდსის და ტუბერკულოზის ინტეგრირებული 2020წლის მუნიციპალური პროგრამის ფარგლებში მიღებულ იქნა 2285 ტესტი თავისი სახარჯი მასალით და გამოკვლეული იქნა 2285 პირი. კვლევები აწარმოეს სოფლის ამბულატორიაში მომუშავე ოჯახის ექიმებმა, ასევე „ჯეო ჰოსპიტალს ხონის ამბულატორიულმა ცენტრმა“. სკრინინგით დადებითი შედეგი C ჰეპატიტზე დაუდასტურდა 24 ადამიანს, ტუბერკულოზზე საექვო აღმოჩნდა 2 ადამიანი, რომლებმაც გააგრძელეს შემდეგი კვლევები. ამ პროცესებს კოორდინირებას უწევდა საზოგადოებრივი ჯანდაცვის ცენტრი.

2020 წლის მაისის თვეში ცენტრი დარეგისტრირდა როგორც „ახალი კორონავირუსით (SARS-COV-2) გამოწვეული ინფექციის (COVID-19) –ის დიაგნოსტიკის უზრუნველყოფის პროგრამის ფარგლებში მომსახურების მიმწოდებელ დაწესებულებად. ტესტირებასთან დაკავშირებით ნაცხის აღებაზე გადამზადებული იქნა ცენტრის პერსონალი: (მედიკოსები). მათი ძალისხმევით ხდებოდა ბიოლოგიური ნიმუშების აღება კვლევებისათვის.

მიღებული იქნა PCR ტესტირებისათვის კრიო სინჯარა -3070 ცალი და ნაცხის ასაღები აპლიკატორი --6140 ცალი. მხოლოდ ჯანდაცვის ცენტრის მიერ 2020 წელს გამოკვლევა ჩატარდა PCR მეთოდით--1903 პირს.

საქართველოს მთავრობის მიერ დამტკიცებული დადგენილებების, ბრძანებებისა და რეკომენდაციების გათვალისწინებით ხდებოდა მუნიციპალიტეტის სრული ტერიტორიის ეპიდემიოლოგიური კონტროლი. ოჯახისა და სოფლის ექიმების სრული ჩართულობით. მიმდინარეობდა მუდმივი მონიტორინგი საზღვარ გადმოკვეთილი მოქალაქეების, სატვირთო ავტომობილების მძღოლების მკაცრი კონტროლი. პარალელურად მიმდინარეობდა იზოლაციაში მყოფი პირების აღრიცხვა და სათანადო რეესტრის წარმოება-მიწოდება როგორც ადგილობრივი, ასევე სამხარეო და ცენტრალურ დონეებზე.

ჯანდაცვის ცენტრის ორგანიზებით ხდებოდა კვების ობიექტების მფლობელებისა და კერძო მოვაჭრეების დატრენინგება „ახალი კორონავირუსით (SARS-COV-2) გამოწვეული ინფექციის (COVID-19) –ის

შესახებ. ასევე სადენზინფექციო სამუშაოების ზედამხედველობა საკოლმეურნეო ბაზრისა და სასწავლო დაწესებულებების ტერიტორიებზე, სწრაფი ჩარიცხვის აპარატებზე.

„ახალი კორონავირუსით (SARS-COV-2) გამოწვეული ინფექციის (COVID-19) –ის პირველი შემთხვევა ხონის მუნიციპალიტეტში დარეგისტრირდა 2020 წლის 12 სექტემბერს.

გასული წლის ნოემბრის ბოლოს მივიღეთ COVID-19 -ის სწრაფი მარტივი ტესტი (ანტიგენი)—4950, აქედან დეკემბრის თვეში სჯც-ს მიერ გამოკვლეული იქნა 88 პირი. COVID-19 –ის კვლევებისათვის მოთხოვნის შესაბამისად სწრაფ მარტივ ტესტებს ვაწვდიდით მუნიციპალიტეტის სამედიცინო დაწესებულებებს: (სს „ვექსის“ კლინიკები ხონის კლინიკას; შპს „ჯეო-ჰოსპიტალს“ს ხონის ამბულატორიულ ცენტრს; (რომლის რეგისტრაციის საკითხი ტესტირებასთან დაკავშირებით იყო გაჭიანურებული და ჯანდაცვის ცენტრის დახმარებით იქნა ეს საკითხი მოგვარებული.); აკ. ნანეიშვილის სახელობის ფსიკიკური ჯანმრთელობის ეროვნულ ცენტრს). სულ გადანაწილებულია დაწესებულებებზე ანტიგენის 1625 ტესტი ,გამოკვლევა კი ჩაუტარდა 1463 პირს. PCR ტესტირებისათვის კი კრიო სინჯარა -1090 ცალი და ნაცხის ასაღები აპლიკატორი --2180 ცალი. , მათ მიერ PCR მეთოდით გამოკვლეული იქნა--1040 პირი.

2020 წელს ხონის მუნიციპალიტეტში COVID-19 დაუდასტურდა სულ - 1428 ადამიანს. დაავადება ლეტალური გამოსავლით დამთავრდა 12 შემთხვევაში. თითოეულ შემთხვევაზე ჩატარდა ღრმა ეპიდემიოლოგიური კვლევა წყაროსა და კონტაქტების გამოსავლენად. აქედან გამომდინარე ჩატარდა შესაბამისი ეპიდ საწინააღმდეგო ღონისძიებები, კერძოდ კერაში ხდებოდა ნიმუშების აღება ლაბორატორიული კვლევებისათვის და ვუტარებდით ინსტრუქტაჟს თვითიზოლაციის წესების შესახებ.

გამოვლინდა რამდენიმე კანონდარღვევა თვითიზოლაციის წესებისა და შესაბამისად მოქალაქეები იქნენ გადაყვანილი საკარანტინე სივრცეებში.

ინფექცია ვრცელდებოდა, როგორც ჩვეულებრივ მოსახლეობაში, ასევე სამედიცინო პერსონალში. ძალიან იშვიათად ბავშვებში და ისიც უმეტესად მიმდინარეობდა უსიმპტომოდ ან მსუბუქად. სამედიცინო პერსონალში მასიურად გავრცელების გამო, პარალიზებული იყო მუნიციპალიტეტში ორივე სამედიცინო დაწესებულების მუშაობა. ამის გამო, გარკვეული პერიოდის მანძილზე სჯ ცენტრმა აიღო თავის თავზე მოსახლეობის გეტესტვის უზრუნველყოფა. ხონის სჯ ცენტრის მიერ COVID-19-ზე ტესტირებისთვის აღებული იქნა, 1903 ბიოლოგიური მასალა. . რომელთაგან COVID-19 დაუდასტურდა 80 ადამიანს. თავდაპირველად ინფექცია გავრცელდა ჯგუფურად აჭარიდან ჩამოსული ადამიანების მიერ. შემდეგი შემთხვევები უკავშირდებოდა ქუთაისის ბაზრობებს. COVID-19-ის სკოლის პედაგოგებში გავრცელების გამო, საჭირო გახდა შესაბამისი ღონისძიებების გატარება: კერძოდ, წერტილოვნად და ზოგჯერ მთლიანად სკოლებისათვის დროებით ონლაინ სწავლების რეჟიმზე გადაყვანის რეკომენდაციის გაცემა.

საზოგადოებრივი ჯანდაცვის ცენტრი ინფორმაციულ მხარდაჭერას უწევდა სხვადასხვა უწყებებს. უტარებდა ტრენინგებს კოვიდის ინფექციასთან დაკავშირებულ თემებზე.

გასულ წელს სსიპ ლ.საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრის მიერ გამოცხადდა კონკურსი მუნიციპალური საზოგადოებრივი ჯანდაცვის ცენტრში ეპიდემიოლოგის თანამდებობაზე ერთი კადრის დასამატებლად. ცენტრმა გაუწია ორგანიზება ამ საკითხს მოთხოვნის შესაბამისად. კონკურსში დარეგისტრირებული კანდიდატი არ იქნა შერჩეული.

ბუღალტრულ ანგარიშს 2020 წელს ჩატარებული მუშაობის შესახებ წარმოგიდგინო ცხრილის სახით:

შემოსავლებისა და ხარჯების ჩამონათვალი	კოდი	2020 წლის		საკუთარი შემოსავლები
		სულ	მათ შორის	
			ადგილობრივი ბიუჯეტიდან გამოყოფილი სუბსიდია	
<b>შემოსავლები</b>	<b>1</b>	<b>130349</b>	<b>112030</b>	<b>18319</b>
ფინანსური დახმარება შესაბამისი ბიუჯეტიდან		112030	112030	
გაწეული საქმიანობიდან მიღებული შემოსავალი		18319		18319
გრანტები		0		
ნაშთი გასული წლიდან		0		0
<b>გადასახდელები</b>	<b>2</b>	<b>130349</b>	<b>112030</b>	<b>18319</b>
შრომითი ანაზღაურება				
მათ შორის:	<b>21</b>	113686	97462	16224
თანამდებობრივი სარგო	<b>21111</b>	108513,5	92289,5	16224
პრემია	<b>21113</b>	4030	4030	
შრომის ანაზღაურება (C ჰეპატიტის, ტუპერკულიოზისა და აივ ინფექციის სკრინინგის პროგრამა)	<b>21114</b>	1142,5	1142,5	
კომპენსაცია	<b>21116</b>	0		
<b>საქონელი და მომსახურეობა</b>	<b>22</b>	<b>15363</b>	<b>13268</b>	<b>2095</b>
შტატგარეშე მომუშავეთა ანაზღაურება	<b>221</b>	0	0	
მივლინება	<b>2221</b>			
<b>ოფისის ხარჯი</b>	<b>223</b>	<b>7820</b>	<b>7460</b>	<b>360</b>
საკანცელარიო სხვა ანალოგიური საქონლის შეძენა	<b>2231</b>	0	0	0
კომპიუტერული პროგრამების შეძენისა და განახლების ხარჯი	<b>2232</b>	0	0	
ჟურნალ გაზეთების შეძენისა და საკანცელარიო სასტამბო ხარჯი (მეთოდოლოგიური ლიტერატურა)	<b>2233</b>	0	0	

მცირეფასიანი საოფისე ტექნიკის შეძენა და დამონტაჟების / დემონტაჟის ხარჯი	<b>22341</b>	0	0	0
სხვა საოფისე მცირეფასიანი ინვენტარის შეძენასა და დამონტაჟებასთან დაკავშირებული ხარჯი	<b>22353</b>			0
კავშირგამბულობის ხარჯი	<b>22310</b>	1935,6	1575,6	360
კომუნალური ხარჯი		1534,4	1534,4	0
ელექტრო ენერჯის ხარჯი	<b>22321</b>	1373,98	1373,98	
წყლისა და კანალიზაციის ხარჯი	<b>22314</b>	160,42	160,42	
ბუნებრივი და თხევადი აირის ხარჯი	<b>22323</b>	0	0	
ტრანსპორტის დაქირავების (გადაზიდვა - გადაყვანა) ხარჯი	<b>2284</b>	4350	4350	0
სხვა ხარჯი	<b>221014</b>	<b>7543</b>	<b>5808</b>	<b>1735</b>
		0		
გაწეული მომსახურების ხარჯი (C ჰეპატიტის, ტუპერკულოზისა და აივ ინფექციის სკრინინგის პროგრამა);(C ჰეპატიტის მიდევენების პროგრამა)	<b>221014</b>	3332	2857	475
სხვა დანარჩენ საქონელსა და მომსახურებაზე გაწეული დანარჩენი ხარჯი	<b>221014</b>	4211	2951	1260
<b>არაფინანსური აქტივების ზრდა</b>	<b>3111</b>	<b>800</b>	<b>800</b>	0

აქნგარიში მომზადებულია საზოგადოებრივი ჯანდაცვის ცენტრის თანამშრომლების მიერ წარმოდგენილი 2020 წლის ანგარიშების საფუძველზე, რომლებიც ჩაშვებულია ცენტრის საქმის წარმოებაში, ინახება მათ პირად საქმეებში.

პატივისცემით ცენტრის დირექტორი: *ეკოპოტ* ლელა გოფოძე